



CONCELLO DE PORTO DO SON

Rúa Atalaia s/n. 15970
Porto do Son (A Coruña)
CIF: P1507200B
Tfno: 981-867412/14
Fax: 981-767358

BASES DE SELECCIÓN PARA CONTRATAR PERSONAL LABORAL TEMPORAL COMO TRACTORISTA.

1º) Obxecto da convocatoria: A selección dun traballador/a para desempeñar as funcións de tractorista do Concello de Porto do Son, de acordo co Convenio de colaboración asinado coa Consellería do medio Rural e do Mar para a participación na prevención de incendios forestais mediante a realización de tratamentos preventivos en vías, camiños e outras superficies forestais de titularidade municipal cofinanciado co Fondo Europeo Agrícola de Desenvolvemento Rural (FEADER) no Marco do PDR de Galicia 2007-2013.

2º) Número de prazas: Unha (1).

3º) Tipo e duración do contrato: Contrato laboral temporal: modalidade de obra ou servizo determinado. A duración do contrato será de 32 días, a xornada completa (37,30 horas semanais) e a retribución será a establecida no Convenio colectivo do Concello de Porto do Son, os primeiros quince días do contrato de traballo constitúen o período de proba.

4º) Obxecto do contrato: O persoal contratado realizará o traballo de tractorista do Concello de Porto do Son, en réxime de dispoñibilidade plena, realizando as seguintes funcións:

- Tarefas preventivas, sobre as causas dos incendios forestais co obxecto de evitálos ou, en todo caso, minorar as súas consecuencias económicas e ambientais.
- Xestionar a biomasa vexetal nas vías e camiños forestais da súa titularidade realizando traballos preventivos nos estratos arbóreos, arbustivo e subarbustivo.
- Limpeza de camiños de vexetación con maior facilidade de ignición, mesmo evitando que as polas das árbores superen o límite da aresta do camiño impedindo deste xeito o efecto túnel.

Así mesmo, realizará aqueloutras tarefas que lle poidan asignar os órganos municipais competentes ou os seus superiores xerárquicos para a satisfacción das necesidades propias do servizo de obras e medio ambiente.

5º) Requisitos xerais dos aspirantes. Os aspirantes deberán reunir os seguintes requisitos, referidos á data na que remate o prazo de presentación de instancias:

- a) Ser español ou cidadán dos Estados membros da Unión Europea, ou daqueloutros con respecto aos que, en virtude de tratados internacionais coa Unión Europea ratificados por España, sexa aplicable a libre circulación de traballadores.
- b) Ter cumplidos os 16 anos de idade e non exceder, no seu caso, da idade máxima de xubilación forzosa.
- c) Non padecer enfermidade ou eiva física que impida o desenvolvemento dos traballos de peón.
- d) Non estar separado do servizo de ningunha Administración pública en virtude de expediente disciplinario nin inhabilitado por sentenza firme para o exercizo de funcións públicas.
- e) Non incorrer en ningunha das causas de incompatibilidade que determine a lexislación vixente.



CONCELLO DE PORTO DO SON

Rúa Atalaia s/n. 15970
Porto do Son (A Coruña)
CIF: P1507200B
Tfno: 981-867412/14
Fax: 981-767358

f) Carnet de conducir: B.

6º) Publicidade da convocatoria: Publicación do anuncio da convocatoria nun xornal de gran tiraxe, así mesmo as presentes Bases publicaranse no Taboleiro de Anuncios do Concello de Porto do Son, a efectos puramente informativos, estas bases tamén poderán ser publicadas na paxina web do concello: <http://www.portodoson.org>

7º) Solicituds: As persoas interesadas deberán solicitar a súa participación mediante unha instancia dirixida ao Sr. Alcalde, conforme ao modelo que consta no Anexo I das presentes Bases. As solicitudes presentarase no Rexistro Xeral de Entrada do Concello de Porto do Son en horario de 9:00 a 14:00, no **prazo de 5 días naturais** que se contarán a partir do seguinte ao da publicación do anuncio da convocatoria nun **xornal de gran tiraxe**. Se o último día de prazo fose inhábil, entenderase prorrogado ao primeiro día hábil seguinte.

As instancias tamén poderán presentarse a través do procedemento previsto no artigo 38.4 da Lei 30/1992, de 26 de novembro, de Réxime Xurídico das Administracións Públicas ou Procedemento Administrativo Común. Se optan por presentar a solicitude nunha oficina de Correos, farano en sobre aberto para que a instancia sexa datada e selada polo funcionario de Correos antes de ser certificada. Neste caso e cando se presente a instancia noutro Rexistro Público diferente ao do Concello de Porto do Son, os solicitantes antes de rematar o prazo de presentación de solicitudes deberán remitir copia da instancia debidamente selada ou rexistrada ao número de fax do Concello: 981767358. **No caso de non remitir esta documentación vía fax, se terán por desistidos da súa petición.**

Coa solicitude deberanse achegar os seguintes documentos:

- fotocopia compulsada do DNI.
- documentación acreditativa dos méritos alegados e que se sinalan no Baremo (Cláusula VIII destas Bases), no caso de presentar fotocopias estas deberan ser compulsadas.

Unha vez rematado o prazo de presentación de instancias, publicarase no Taboleiro de Anuncios do Concello de Porto do Son, a lista de aspirantes admitidos e excluídos, concedéndose un prazo de 1 día hábil para efectos de reclamacións ou emenda de defectos das solicitudes, así mesmo indicarase o lugar, data e hora de realización das probas da fase de oposición.

8º) Selección:

1. Fase de concurso:

- Servizos prestados na Administración Pública ou na empresa privada como tractorista, ata a data de publicación das bases, acreditaranse mediante certificado de empresa ou certificado de servizos prestados: 0,10 puntos por mes traballado.

A **puntuación máxima** que se pode acadar polo concurso será de **1 punto**.

2. Proba práctica: que consistira en demostrar o manexo da maquinaria coa que se desenvolverá o traballo, así como as aptitudes profesionais, **sendo necesario acadar un mínimo de 3 puntos para superar a proba.**

A **puntuación máxima** que se pode acadar polo caso práctico será de **6 puntos**.



CONCELLO DE PORTO DO SON

Rúa Atalaia s/n. 15970
Porto do Son (A Coruña)
CIF: P1507200B
Tfno: 981-867412/14
Fax: 981-767358

9º) Puntuación final. O candidato seleccionado será o que obteña máis puntuación global. En caso de empate resolverase mediante sorteo público. Co resto de solicitantes formarase unha bolsa de traballo para cubrir posibles vacantes ou para atender necesidades imprevistas.

10º) Tribunal cualificador: Estará composto do seguinte xeito:

Presidente: Juan Manuel Blanco Rodríguez.

Vocal: José Manuel Segade Santos.

Vocal: Persoal designado polo do Distrito Forestal IV da Xunta de Galicia

Secretario: Julio F. Seijas Arufe.

11º) Formalización dos contratos: Formalizaranse por resolución da Alcaldía baixo a modalidade de obra ou servizo determinado, cos candidatos seleccionados.

12º) Presentación da documentación polos aspirantes aprobados. Os candidatos seleccionados deberán presentar no Rexistro Xeral de Entrada do Concello de Porto do Son en horario de 9:00 a 14:00, **no prazo de 3 días naturais (se o último día do prazo fose inhábil, trasladarase ao primeiro hábil seguinte)** dende que se faga pública a relación de aprobados (mediante anuncio no Taboleiro do Concello) os documentos acreditativos das condicións de capacidade e demais requisitos esixidos na convocatoria:


- Certificado ou informe médico de atoparse apto para a realización deste traballo.
- Declaración xurada de non atoparse incuso en causa de incapacidade ou incompatibilidade.

De non presentarse dita documentación no prazo indicado (salvo casos de forza maior) ou no caso de deducirse da documentación que non se reúnen os requisitos esixidos, o aspirante non poderá ser contratado; sen prexuízo da responsabilidade en que puidese incorrer por falsidade na súa solicitude de participación. Neste suposto, o Alcalde-Presidente contratará ao seguinte aspirante aprobado por orde de puntuación.

Porto do Son, 8 de xuño de 2012.

O Alcalde.

José Luis Oujo Pouso.





CONCELLO DE PORTO DO SON

Rúa Atalaia s/n. 15970
Porto do Son (A Coruña)
CIF: P1507200B
Tfno: 981-867412/14
Fax: 981-767358

ANEXO I

MODELO DE INSTANCIA.

D/Dna. _____ de _____ anos, con
domicilio en _____ nº _____, piso _____
C.P. _____, teléfono _____, D.N.I. _____

EXPÓN:

1º) Que desexo participar no proceso selectivo convocado polo Concello de Porto do Son para a selección de UNHA PRAZA de TRACTORISTA.

2º) Que reúno todos os requisitos esixidos referidos á data de finalización do prazo sinalado para a presentación da solicitude nas bases, que acepto e declaro coñecer, e que son certos os datos obrantes na presente instancia, comprometéndome a probar documentalmente todos os datos que figuran nesta solicitude.

Adxunto coa presente instancia, segundo dispón a base 7ª da convocatoria:

- fotocopia compulsada do DNI.
- documentación acreditativa dos méritos alegados e que se sinalan no Baremo (Cláusula VIII destas Bases), no caso de presentar fotocopias estas deberan ser compulsadas.

Por todo o exposto, SOLICITO:

SER ADMITIDO A PARTICIPAR NO PROCEDEMENTO DE SELECCIÓN DE UNHA PRAZA de TRACTORISTA.

En Porto do Son, _____ de _____ de 2012.

(sinatura)

SR. ALCALDE PRESIDENTE DO CONCELLO DE PORTO DO SON.